

Broj: UP1-06-13-1-107-24/21
Mostar, 24.11.2021. godine

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 18. Pravilnika za izdavanje dozvola („Službene novine Federacije BiH“ broj 2/17, 39/20 i 82/21), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), člana 4. stav (1) i stav (2), člana 5., člana 6. stav (1), člana 8. i člana 9a. stav (2) Pravilnika o metodologiji i načinu obračuna regulatornih naknada za imaoce dozvola - Prečišćeni tekst („Službene novine Federacije BiH“ broj 94/19) postupajući po Zahtjevu za obnovu dozvole za rad za proizvodnju električne energije broj UP1-06-13-1-107-1/20 od 29.10.2020. godine i po Zahtjevu za izdavanje dozvole za rad za proizvodnju električne energije broj UP1-06-13-1-184-1/21 od 11.08.2021. godine podnosioca zahtjeva „COMEX“ d.o.o. Tešanj, Ul. Meše Selimovića broj 25, Tešanj, zastupanog po zakonskom zastupniku Elmiru Galijaševiću, Regulatorna komisija za energiju u Federaciji Bosne i Hercegovine – FERK je 24.11.2021. godine na XXIII redovnoj sjednici donijela sljedeće

RJEŠENJE

1. Izdaje se Dozvola za rad za proizvodnju električne energije podnosiocu zahtjeva „COMEX“ d.o.o. Tešanj.
2. Utvrđuje se „COMEX“ d.o.o. Tešanj, status kvalifikovanog proizvođača u objektima solarne fotonaponske elektrane „RADUŠA 30/50 “ i solarne fotonaponske elektrane „RADUŠA“, u periodu važenja dozvole iz tačke 3. ovog rješenja.
3. Dozvola za rad izdaje se na period od 24.11.2021. godine do 23.11.2031. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tačaka 1. i 3. ovog rješenja.
5. Imalac dozvole je obavezan platiti regulatornu naknadu za 2021. godinu u iznosu od 54,25 KM.
6. Imalac dozvole je obavezan neuplaćeni dio regulatorne naknade iz tačke 5. ovog rješenja u iznosu od 4,25 KM platiti u roku od 30 dana od dana primanja ovog rješenja.
7. Imalac dozvole je obavezan plaćati regulatornu naknadu za naredne godine važenja dozvole na način i u iznosu koji utvrdi FERK posebnom odlukom.
8. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 29.10.2020. godine je od podnosioca „COMEX“ d.o.o. Tešanj primio Zahtjev za obnovu dozvole za rad za proizvodnju električne energije pod brojem UP1-06-13-1-107-1/20.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za obnovu dozvole za rad za proizvodnju električne energije UP1-06-13-1-107-2/20 od 13.11.2020. godine, te mu odredio rok radi otklanjanja u Obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 20.11.2020. godine pod brojem UP1-06-13-1-107-3/20, dopis primljen u FERK 07.12.2020. godine pod brojem UP1-06-13-1-107-4/20, dopis primljen u FERK 29.01.2021. godine pod brojem UP1-06-13-1-107-5/20 i dopis primljen u FERK 10.02.2021. godine pod brojem UP1-06-13-1-107-6/20, uz koje je dostavio dio tražene dokumentaciju i obrazloženja. Dalje, FERK je 25.02.2021. godine uputio Obavještenje broj UP1-06-13-1-107-7/20, da je Zahtjev za obnovu dozvole za rad za proizvodnju električne energije skinut sa dnevnog reda IV redovne sjednice FERK-a održane 25.02.2021. godine, te je dana 16.03.2021. godine izvršio pregled objekta solarne fotonaponske elektrane „Raduša“ o čemu je sastavljen Pregled tehničko energetske karakteristika solarne elektrane „Raduša“, povodom kojeg je podnosilac dostavio dopis primljen u FERK 29.03.2021. godine pod brojem UP1-06-13-1-107-8/20. U cilju potpunog kompletiranja dostavljene dokumentacije, FERK je podnosiocu zahtjeva 08.04.2021. godine dostavio Zahtjev za informacijama broj UP1-06-13-1-107-9/20, povodom kojeg je isti dostavio dopis primljen u FERK dana 11.05.2021. godine pod brojem UP1-06-13-1-107-11/20, dopis primljen u FERK dana 04.05.2021. godine pod brojem UP1-06-13-1-107-10/20, dopis primljen u FERK dana 18.05.2021. godine pod brojem UP1-06-13-1-107-12/20, te dopis Službe za katastar, urbanizam i imovinsko pravne poslove Opštine Tešanj primljen u FERK dana 24.05.2021. godine pod brojem UP1-06-13-1-107-13/20 kojim upućuju na nadležno tijelo, kao i dopis podnosioca zahtjeva primljen u FERK dana 03.06.2021. godine pod brojem UP1-06-13-1-107-14/20. Vezano za energetske dozvole FERK se obratio nadležnom Federalnom ministarstvu energije, industrije i rudarstva dopisom broj UP1-06-13-1-107-15/20 od 11.06.2021. godine kojim je zatražio informaciju da li je zbog izmjene tehničkih karakteristika potrebno ishodovanje nove energetske dozvole. Dalje, u FERK je dana 16.06.2021. godine pod brojem UP1-06-13-1-107-16/20 primljen dopis podnosioca zahtjeva kojim se obraća Federalnom ministarstvu energije, industrije i rudarstva, te dopis Federalnom ministarstvu energije, industrije i rudarstva primljen u FERK dana 12.07.2021. godine pod brojem UP1-06-13-1-107-17/20 kojim je FERK obaviješten vezano za izmjene tehničkih karakteristika na objektu solarne fotonaponske elektrane „Raduša“, ali i o nemogućnosti ugradnje sistema za pohranu energije jer ista nije predviđena zakonom. Dalje, FERK je podnosiocu zahtjeva 07.09.2021. godine dostavio Zahtjev za informacijama broj UP1-06-13-1-107-18/20, povodom kojeg je podnosilac zahtjeva dostavio dopis primljen u FERK dana 23.09.2021. godine pod brojem UP1-06-13-1-107-19/20, te dopis primljen u FERK 18.10.2021. godine pod brojem UP1-06-13-1-107-20/20, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Dana 11.08.2021. godine FERK je od podnosioca „COMEX“ d.o.o. Tešanj primio Zahtjev za izdavanje dozvole za rad za proizvodnju električne energije pod brojem UP1-06-13-1-184-1/21.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za izdavanje dozvole za rad za proizvodnju električne energije UP1-06-13-1-184-2/20 od 07.09.2021. godine, te

mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 23.09.2021. godine pod brojem UP1-06-13-1-184-3/20, dopis primljen u FERK 18.10.2021. godine pod brojem UP1-06-13-1-184-4/20, i dopis primljen u FERK 27.10.2021. godine pod brojem UP1-06-13-1-184-5/20, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Obzirom da je FERK prilikom pregleda gore navedenih zahtjeva i dokumentacije dostavljene uz iste utvrdio da su ovi zahtjevi zasnovani na istom činjeničnom stanju, kao i na istoj pravnoj osnovi, te da je FERK stvarno nadležan u pogledu navedenih zahtjeva, FERK je 11.11.2021. godine donio Zaključak broj UP1-06-13-1-107-21/20, kojim se spajaju predmeti u navedenim postupcima, zbog čega će se o spojenim zahtjevima dalje voditi jedinstveni postupak.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika za izdavanje dozvola, pripremio Nacrt dozvole za rad za proizvodnju električne energije po zahtjevu broj UP1-06-13-1-107-1/20 od 29.10.2020. godine i zahtjevu broj UP1-06-13-1-184-1/21 od 11.08.2021. godine, podnosioca „COMEX“ d.o.o. Tešanj. Na osnovu člana 92. stav (2) Zakona o električnoj energiji u Federaciji Bosne i Hercegovine, FERK je Odlukom broj UP1-06-13-1-107-22/21 od 11.11.2021. godine usvojio Nacrt dozvole za rad za proizvodnju električne energije, te Obavještenje za javnost o opštoj raspravi o Nacrtu dozvole za rad za proizvodnju električne energije, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad za proizvodnju električne energije na adresu FERK-a ili na elektronsku adresu, u periodu od 12.11.2021. godine do 22.11.2021. godine do 9:00 sati, kao i da su lica koja imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost dostaviti zahtjev za sticanje statusa umješaća na adresu FERK-a ili na elektronsku adresu, u periodu od 12.11.2021. godine do 22.11.2021. godine do 9:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješaća, odnosno do 22.11.2021. godine, u FERK nisu primljeni pisani komentari na Nacrt dozvole za rad za proizvodnju električne energije, niti je primljen zahtjev za sticanje statusa umješaća.

Dalje, članom 4. i članom 5. Pravilnika o metodologiji i načinu obračuna regulatornih naknada za imaoce dozvola – Prečišćeni tekst propisana je dinamika i način obračuna regulatorne naknade za imaoce dozvola za obavljanje elektroprivrednih djelatnosti. Članom 6. stav (1) istog pravilnika propisano je da postojećim imaicima dozvola koji obavljaju djelatnost proizvodnje električne energije, a koji povećaju/smanje ukupnu instalisanu snagu svojih proizvodnih objekata i ako prelaze iz jedne kategorije u drugu, fiksni dio regulatorne naknade će se preračunavati u skladu sa tabelom iz člana 5. stav (2) ovog pravilnika, od prvog dana perioda izmjene dozvole, a varijabilni dio regulatorne naknade utvrđivat će se primjenom procenta p (%) na ostvareni ukupni prihod iz prethodne poslovne godine i/ili na planirani ukupni prihod za tekuću godinu, a u skladu sa članom 5. stav (3) ovog pravilnika. Članom 8. istog pravilnika propisan je način utvrđivanja regulatornih naknada za imaoce dozvola za obavljanje elektroprivrednih djelatnosti, odnosno način donošenja rješenja kojim se utvrđuje pojedinačni iznos godišnje regulatorne naknade za svakog imaooca dozvole. Članom 9a. stav (2) Pravilnika o metodologiji i načinu obračuna regulatornih naknada za imaoce dozvola propisano je da će se imaicima dozvola za obavljanje elektroprivrednih djelatnosti i Operatoru za OIEiEK, koji obnove svoju dozvolu u tekućoj godini, ali kojima između perioda

važenja prethodne dozvole i perioda važenja nove/obnovljene dozvole nastupi period u kojem isti nisu imali izdatu dozvolu, iznos regulatorne naknade za tekuću godinu preračunava pojedinačnim rješenjem u skladu sa periodom važenja njihovih dozvola. Kako je imalac dozvole obnovio svoju dozvolu u tekućoj godini, ali kojem je između perioda važenja prethodne dozvole (29.01.2016. – 28.01.2021.) i perioda važenja nove/obnovljene dozvole (24.11.2021. – 23.11.2031.) nastupio period u kojem isti nije imao izdatu dozvolu i da je povećao ukupnu instalisanu snagu svojih proizvodnih objekata, regulatorna naknada za 2021. godinu preračunata je u skladu sa članom 5., članom 6. stav (1), članom 8. i članom 9a. stav (2) ovog pravilnika, tako da ukupan iznos regulatorne naknade koju je imalac dozvole obavezan platiti za 2021. godinu sada iznosi 54,25 KM. Budući da je imalac dozvole dana 25.01.2021. godine uplatio iznos od 50,00 KM, neuplaćeni dio regulatorne naknade sada iznosi 4,25 KM. O obavezi plaćanja regulatorne naknade imaocu dozvole se ispostavlja posebno obavještenje.

Na osnovu obrade Zahtjeva za obnovu dozvole za rad za proizvodnju električne energije podnosioca „COMEX“ d.o.o. Tešanj i dokumentacije priložene uz zahtjev, utvrđeno je da podnosilac zahtjeva ispunjava kriterije za izdavanje dozvole za rad za proizvodnju električne energije i za sticanje statusa kvalifikovanog proizvođača u skladu sa Zakonom o električnoj energiji u Federaciji Bosne i Hercegovine i Zakonom o korištenju obnovljivih izvora energije i efikasne kogeneracije, te Pravilnikom za izdavanje dozvola i Pravilnikom o sticanju statusa kvalifikovanog proizvođača električne energije.

Na osnovu navedenog, u dozvoli koja je predmet ovog rješenja podnosiocu zahtjeva postavljeni su, u skladu sa članom 26. i članom 27. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „COMEX“ d.o.o. Tešanj da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovi navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić, s.r.